



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vindex Libertatis Ecclesiasticae || Et Martyr || S.
Engelbertvs || Archiepiscopus Co-||loniensis Princeps ||
Elector, &c.**

Gelenius, Aegidius

Coloniae Agrippinae, 1633

Caput Decimum. Quod Ludouicus Rodensi apparens poenas occisorum
suorum praedixerit.

urn:nbn:de:hbz:466:1-9728

§. Quam ego sollicitus sum vt Beatum Petrum & eius Ecclesiam hæreditate ditem. ^A

S. ENGELBERTUS in gentem districtum diœcesis Colonien- si adiecit.

Capite quinto libri superioris comparauit Cæsarius Sanctum Nostrum Brunoni Ducatu sedem Coloniensem augenti, sic enim & accessio ad Diœcesin, Sancto Nostrum antiquissima fuit cura. Testantur id literæ Urbani Pontificis Maximi anno 1262. à Pontificatu vero suo secundo, 6. Id. Ianuarij in vrbe vetere datæ, referuntque ENGELBERTVM fel. record. Colonienf. Archiepiscopum à Mechtilde Henrici Comitis Seinenfis vidua, qua precio, qua benignitate & munificentia acquisiuisse & recuperasse, clientelares fundos seu feuda videlicet, *de VVide, de VVindeck & Rinnenberck, castra de Linsa, & Lupstorp, de Nevenstat, de Assach, de VVinthan, de Gilstorp, & de Sechtune villas, cum vasallis, fidelibus, ministerialibus, hominibus, seruis, pratis, VViltbannis, Nemoribus cæterisque suis attinentiis, nec non nouo castro sito in Parochia Brettpach cum pertinentijs suis aliisque villis eiusdem Parochie.*] Hæc Virbanus. ^B ^C

Caput Decimum.

Quod Ludouicus Rodensi apparens pœnas occisorum suorum prædixerit.

Apparet Episcopus sacrificati.

SEXTA illa feria, qua castrum fuit euersum, septenarium martyris agebatur. Cuius rei gratia sacerdos quidam, Ludouicus nomine, regularis Canonicus S. Gabrielis in Rode, eiusdem vocabuli castrum vicinum pro anima martyris Missam celebraturus ascendit. Cumque dictis secretis, post Sanctus, Canonem inchoaret, ecce sanctum Episcopum pontificalibus indutum, vultu hilari, sacro altari ad stare videt: & cum Crucis signa exprimeret super panem & calicem, beatus pontifex per totum Canonem sacerdoti se conformans, eodem modo & iisdem vicibus sancta consignauit, dexteram eleuans. Cum autem ventum esset ad eum locum, vbi defuncti nominantur, & eum sacerdos nominasset, ^D

minasset, expleto sacramento, ait illi Episcopus: Frater, non est necesse, vt inter mortuos me nomines. Sum enim cum Deo, & in choro martyrum gaudio fruor ineffabili, & adiecit: Noueris pro certo, quod omnes illi, qui me occiderunt, vel quorum consilio occisus sum, male peribunt, idque citius, quam credi possit. His dictis, disparuit: Ludouicus vero Missa completa, omnibus quæ viderat, indicauit, testem Deum adhibens ita se habere.

Prædicit illi celerem vindictam in percussores suos.

Notatio ad Caput Decimum.

B.

§. Sexta FERIA.

Hic nulla opus explicatione, tantum instituta quasi anacephaleosi conditam pro tempore nonnullorum libri secundi & tertij narratorum seriem, sum traditurus.

Beatus Præsul ante Kalend. Nouemb. omnibus cœlitibus sacras, quæ tunc in diem Sabbathi incidebant Susatum tenuit, vbi cum triduo de pace inter ipsum & Comitem Fridericum concilianda littori loqueretur, cum à Winando Heisterbacensi Monacho, tum alijs per literas de periculo monitus, sexta Nouemb. quæ erat feria quinta, virus peccatorum suorum alias vnquã contractum, apud sacerdotem euomuit vt sequenti die Svvelmensem Ecclesiã dedicaret, vnde paci cõsulturus redire cogitabat Susatum. Feria sexta, Nouemb. die septima in itinere Svvelmensi aliquoties à Friderico occasionem necis captante visitatus, miserorumque studio retentus, sub crepusculum Sicariorum gladiis plagisque 47. confectus occubuit. Ipso Sabbatho, octaua Nouembris, pompa solenni à veteris Montis Religiosis ad ipsorum Monasterium traductus, lauabatur, intestinis eius ibidem humo conditis tumultisque, ac Henrico Seniore Monacho qui ex crure laborabat mirabiliter recreato; Decimo Nouembris secunda in sequentis hebdomadæ feria Colonia ad gradus B. Mariæ Virginis

1225.
1. Nou.

7. Nouëbr.

8. Nouëbr.

10. Nouëb.